

Cyflwyniad PG a GI

# Cyflwyniad i fod yn drysorydd plaid

---

Mae'r ddogfen hon i drysoryddion pleidiau cofrestredig ym Mhrydain Fawr a Gogledd Iwerddon sy'n dymuno cael cyflwyniad i'w responsibilities.

## Cvnnwvs:

Cyflwyniad i'ch cyfrifoldebau

---

Cynnal manylion eich plaid

---

Rhoddion a benthyciadau

---

Cyfrifoldebau cyfrifeg blynyddol

---

Cyfrifoldebau gwariant ymgyrchu

---

## Termau ac ymadroddion yr ydym yn eu defnyddio

Rydym yn defnyddio '**rhaid**' wrth gyfeirio at ofyniad cyfreithiol neu reoleiddiol penodol. Rydym yn defnyddio '**dylai**' ar gyfer eitemau yr ydym yn ystyried eu bod yn isafswm arfer da, ond nad ydynt yn ofynion cyfreithiol.

Nid oes raid i chi ddilyn y canllaw hwn, ond os gwnewch hynny, byddwch fel arfer yn gwneud digon i gydymffurfio â'r gyfraith.

## Ein hymagwedd ar orfodi

Os na fyddwch yn cydymffurfio â gofynion cyfreithiol neu reoleiddiol gallech chi neu eich sefydliad fod yn destun sancsiynau sifil neu droseddol. Gallwch gael mwy o wybodaeth am ymagwedd y Comisiwn at orfodi yn

[www.electoralcommission.org.uk/party-finance/enforcement](http://www.electoralcommission.org.uk/party-finance/enforcement).

# Cyflwyniad i fod yn drysorydd plaid

## I bwy mae'r ddogfen hon:

Trysoryddion y plaid ganolog a thrysoryddion unedau cyfrifeg.

## Mae'n cwmpasu:

- Cyflwyniad l'ch prif gyfrifoldebau
- Cynnal manylion eich plaid
- Cyfrifoldebau rhoddion a benthyciadau
- Cyfrifoldebau cyfrifeg flynyddol
- Cyfrifoldebau gwariant ymgyrchoedd

## Dogfennau cysylltiedig:

- [Trosolwg o roddion i bleidiau gwleidyddol](#)
- [Trosolwg o fenthyciadau i bleidiau gwleidyddol](#)
- [Trosolwg o wariant ymgyrch bleidiol](#)

# 2

## Crynodeb

Mae'n hanfodol i ddemocratiaeth iach i bleidiau ac ymgyrchwyr gwleidyddol allu datblygu polisi, ymgyrchu a throsglwyddo eu neges i bleidleiswyr. Mae codi arian a chyllid pleidiau yn allweddol i hyn.

Fel trysorydd plaid cofrestredig, rydych yn gyfrifol am gydymffurfiaeth eich plaid â'r rheoliadau ariannol o dan Ddeddf Pleidiau Gwleidyddol, Etholiadau a Refferenda 2000 (PPERA).

Mae'r cyflwyniad hwn yn rhoi amlinelliad sylfaenol i chi o'ch cyfrifoldebau a lle y gallwch gael mwy o wybodaeth.

## Cyflwyniad

Mae bod yn drysorydd cofrestredig plaid wleidyddol yn gyfrifoldeb pwysig. Rydych yn rheoli cyllid eich plaid ac yn sicrhau eu bod yn cydymffurfio â Deddf Pleidiau Gwleidyddol, Etholiadau a Refferenda 2000 (PPER).

Gall swnio'n frawychus, ond gyda threfn dda, cadw cofnodion yn drylwyr a gwybodaeth ddiweddar o'r rheolau, gall fod yn rôl llawn boddhad.

Mae'r canllaw cychwynol hwn yn egluro'n gryno eich cyfrifoldebau sylfaenol.

Mae'n cwmpasu trysoryddion y blaid ganolog a thrysoryddion unedau cyfrifeg.

Rydych yn **drysorydd plaid ganolog** os ydych wedi'ch cofrestru gyda ni fel trysorydd ar gyfer:

- plaid heb unrhyw unedau cyfrifeg
- sefydliad canolog plaid gydag unedau cyfrifeg

Rydych yn **drysorydd uned cyfrifeg** os cawsoch eich penodi yn un gan eich plaid a chafodd eich manylion eu rhoi i ni.

Mae uned gyfrifeg yn adran o'r blaid sydd wedi'i chofrestru gyda ni fel un sy'n gyfrifol am ei chyfrifon ariannol ei hun.

# 4

## Eich meysydd cyfrifoldeb

### Cynnal manylion eich plaid

Fel **trysorydd y blaid ganolog**, rhaid i chi ddweud wrthym pan fydd unrhyw rai o'r canlynol yn newid:

- enw neu gyfeiriad unrhyw swyddog y blaid sydd wedi'u cofrestru gyda ni, yn cynnwys unrhyw swyddogion unedau cyfrifeg
- cyfeiriad pencadlys y blaid neu unrhyw uned gyfrifeg
- enw unrhyw uned gyfrifeg

Rhaid i chi hefyd anfon atom gadarnhad blynyddol o fanylion eich plaid. Os na fyddwch yn gwneud hyn, gallem dynnu eich plaid oddi ar y gofrestr.

Am fwy o wybodaeth ar gynnal manylion eich plaid a'r dyddiadau cau ar gyfer dweud wrthym am newidiadau, gweler [ein gwefan](#).

### Rhoddion a benthyciadau

Fel **trysorydd y blaid ganolog** rydych yn gyfrifol am:

- Sicrhau bod unrhyw fenthyciadau a rhoddion y mae eich plaid yn eu derbyn yn cael eu gwirio, eu cofnodi a'u hadrodd lle y bo'n briodol.
- Cymryd pob cam rhesymol i sicrhau y gellir derbyn y rhoddion a'r benthyciadau hyn.
- Adrodd rhoddion a benthyciadau penodol i ni, y Comisiwn Etholiadol.

Fel **trysorydd uned gyfrifeg** nid ydych yn gyfrifol o dan PPERA am drin rhoddion a benthyciadau. Fodd bynnag, dylech ddilyn gweithdrefnau eich plaid bob amser. Rhaid i chi hefyd ddarparu gwybodaeth berthnasol i drysorydd y blaid ganolog yn ôl ei gais.

Am fwy o wybodaeth, gweler y dogfennau hyn:

- [Trosolwg o roddion i bleidiau gwleidyddol](#)
- [Trosolwg o fenthyciadau i bleidiau gwleidyddol](#)

## Cyfrifon blynyddol

Fel **trysorydd y blaid ganolog** neu **uned gyfrifeg** rydych yn gyfrifol am:

- Gadw cofnodion clir a chywir o'ch cyfrifon i ddangos sefyllfa ariannol wirioneddol eich plaid neu uned gyfrifeg.
- Cyflwyno eich cyfrifon blynyddol i ni.

Fel **trysorydd uned gyfrifeg**, mae angen i chi gyflwyno eich cyfrifon i ni dim ond os yw incwm neu wariant eich uned yn fwy na £25,000.

Am fwy o wybodaeth am ddatganiadau cyfrifon, gweler [ein gwefan](#).

### Pryd mae angen i chi gyflwyno eich cyfrifon?

A yw incwm/gwariant eich plaid/uned yn **£250k neu'n is?**

Adroddwch o fewn pedwar mis i ddiwedd eich blwyddyn ariannol.

A yw incwm/gwariant eich plaid/uned **dros £250k?**

Adroddwch o fewn chwe mis a saith diwrnod i ddiwedd eich blwyddyn ariannol, gyda thystysgrif archwiliwr annibynnol

# 6

## Gwariant ar ymgyrchoedd mewn etholiadau

Fel **trysorydd y blaid ganolog** rydych yn gyfrifol am:

- holl wariant ymgyrchu'r blaid mewn etholiadau

Mae hyn yn cynnwys:

- awdurdodi gwariant ymgyrchu
- cadw cofnodion ac anfonebau/derbynebaw gwariant ymgyrchu
- cyflwyno eich ffurflen wariant, anfonebau/derbynebaw ac adroddiad archwiliwr

Gallwch benodi dirprwy drysoryddion i'ch helpu gyda gwariant ymgyrchu. Gallech gael hyn yn ddefnyddiol os yw eich plaid yn ymladd llawer o seddau. Rhaid i chi anfon [Ffurflen RP5](#) atom i gofrestru dirprwyon.

Nid yw gwariant ymgyrchu pleidiau yn cynnwys treuliau ymgeiswyr unigol, sy'n gyfrifoldeb yr asiant etholiad.



Os oes gan eich plaid swyddog ymgyrchoedd wedi'i gofrestru gyda ni, y nhw fydd yn gyfrifol am wariant ymgyrchu, nid chi.

Am fwy o wybodaeth, gweler y ddogfen hon:

- [Trosolwg o wariant ymgyrchu pleidiau](#)

## Pryd y mae angen i chi anfon eich ffurflen atom?

Gwariant ymgyrchu yn  
**£250k neu'n is?**

Adroddwch o fewn tri  
mis i ddiwedd yr  
etholiad.

Gwariant ymgyrchu  
**dros £250k?**

Adroddwch o fewn  
chwe mis i ddiwedd yr  
etholiad, gyda  
thystysgrif archwiliwr  
annibynnol

## Sut y gallwn ni helpu

Mae mwy o wybodaeth yn y dogfennau canllaw yr ydym wedi'u hawgrymu yn y ddogfen hon, neu gallwch weld ein cyfres gyfan o ganllawiau ac adnoddau diweddar ar ein gwefan.

Os yw'n haws, gallwch gysylltu â ni hefyd ar un o'r rhifau ffôn neu gyfeiriadau ebost isod. Rydym yma i helpu, felly cysylltwch ar bob cyfrif.

Ffoniwch ni ar:

- **Lloegr:** 020 7271 0616  
[pef@electoralcommission.org.uk](mailto:pef@electoralcommission.org.uk)
- **Yr Alban:** 0131 225 0200  
[infoscotland@electoralcommission.org.uk](mailto:infoscotland@electoralcommission.org.uk)
- **Cymru:** 029 2034 6800  
[infowales@electoralcommission.org.uk](mailto:infowales@electoralcommission.org.uk)
- **Gogledd Iwerddon:** 028 9089 4020  
[infonorthernireland@electoralcommission.org.uk](mailto:infonorthernireland@electoralcommission.org.uk)

Dewch i ymweld â ni yn [www.electoralcommission.org.uk](http://www.electoralcommission.org.uk)

Rydym yn croesawu adborth ar ein canllawiau – ebostiwnch ni yn:  
[pef@electoralcommission.org.uk](mailto:pef@electoralcommission.org.uk)

# 8

## Cyfieithiadau a fformatau eraill

I gael gwybodaeth ynghylch cael y cyhoeddiad hwn mewn iaith arall neu ar ffurf fersiwn print bras neu Braille, cysylltwch â'r Comisiwn Etholiadol:

Ffôn: 020 7271 0500

Ebost: [publications@electoralcommission.org.uk](mailto:publications@electoralcommission.org.uk)